

# **REFERAT MIA - Meeqqanut, Ilaqutariinnut Atuartitaanermullu Ataatsimiititaq d. 05-03-2026**

**Mødedato** Torsdag d. 05. marts 2026 kl. 19:00

**Mødested** Kommunalbestyrelsesip ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Sammissassaqtitsinermut Kulturimullu ukiup affakkuutaartumik ilisimatitsissut 2025.....	6
Kisitsisit pingaarnerit - Meeqqanut Ilaqutariinnullu Ingerlatsivik - ukioq 2025.....	9
Ingerlatsivimmi digitalinngorsaaneq pillugu ilisisimatitsissut.....	12
Isumaginnittoqarfimmit inissianut innersuussisarneq pillugu ilisimatitsineq 2025.....	15
Meeqqanik innarluutilinnik sullissinermi unammillernartut.....	18
Ineriartortitsinermut, Peqqissutsimik siuarsaanermut Pitsaaliuinemullu Immikkoortortaqarfimmi 20.....	20
Lukket.....	23
Lukket.....	24
Lukket.....	25
Tamalaat.....	26
Imaqarniliap akuerineqarnera.....	28

## **Punkt .: Saqqaa**

### **Ilaasortat**

Poul Petersen (D), siulittaasoq

Arnanguak Steenholdt (IA)

Ida Julie Andersen (IA)

Doris J. Jensen (S)

Laura Tãunajik Uitsatikitseq (S)

### **Beslutning**

#### **Ataatsimeeqataasut**

Poul Petersen (D), siulittaasoq

Arnanguak Steenholdt (IA)

Ida Julie Andersen (IA)

Doris J. Jensen (S)

#### **Attaveqaatigut peqataavoq**

Laura Tãunajik Uitsatikitseq (S)

## **Punkt .: Oqaluuserisassat akuerineqarneri**

### **Beslutning**

Oqaluuserisassat akuersissutigineqarput.

## **Punkt .: Nalunaarutit**

### **Beslutning**

Nalunaaruteqanngilaq.

# **Punkt 1: Sammisassaqtitsinermut Kulturimullu ukiup affakkuutaartumik ilisimatitsissut 2025**

## **Beslutning**

Ilisimatitsissut tusaatissatut tiguneqarpoq.

## **Bilag**

Sammissassaqtitsivik Kulturilu pillugit 2025-mi ukiup affakkuutaartumik ilisimatitsissut



## **Sammissassaqaqtitsinermit Kulturimullu ukiup affakkuutaartumik ilisimatitsissut 2025**

2025-mi ukiup affaani siullermi Sammissassaqaqtitsinermit Kulturimullu suliassaqaqarfimmi sammissassaqaqtitsinerit

Ilisimatitsissut

SagsID.: EMN-2025-03322

Meeqqanut Atuarfeqaqarnermullu Ingerlatsivik – pisortaagallartoq Rena Kriegel Mikkelsen / REMI

### **Inassuteqaat**

Meeqqanut Atuarfeqaqarnermullu Ingerlatsivimmit Meeqqanut Ilaqtariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### **Suliassamik saqqummiussineq**

Meeqqanut Atuarfeqaqarnermullu Ingerlatsivimmit Kommuneqarfik Sermersuumi sammissassaqaqtitsinermit kulturimullu suliassaqaqarfimmi sammissassaqaqtitsinerit pillugit ukiup affakkuutaartumik ilisimatitsissutigineqartarput. Matumani ilisimatitsissummi 2025-mi ukiup affaani siullermi Nuummi, Paamiuni, Tasiilami Ittoqqortoormiini sammissassaqaqtitsinerinik imaqarpoq.

Ukiup affaa siulleq ukioqatigiinnut tamanut siunnerfilimmik kulturikkut, inooqataanikkut timersornikkullu neqeroorutaasunik ingerlatsisoqarpoq. Nuummi ilaatigut 1.000-it missaannik peqataaffigineqartumik timersortartunut ulloqartitsisoqarpoq, 4.000-inik alakkaasoqarluni Nuuk Snow Festivalertitsisoqarpoq kiisalu Unnuk Kultursiorfimmu Inuiattullu Ullorsiornermut atatillugu aaqqissuusaqartoqarluni. Tamakku saniatigut Illorpumi, Kittani, Nuummi Katersugaasivimmi aamma Nuummi Eqqumiitsulianik Saqqummersitsivimmi assigiinngitsunik arlalinnik sammisaqaqtitsisoqarluni. Aammattaaq Naluttarfik Malik innuttaasunik annertuumik peqataatitsilluni aaqqissuussanik ingerlatsisimavoq.

Taamatutaaq Paamiuni, Tasiilami aamma Ittoqqortoormiini nunaqarfinnilu timersornikkut ulloqartitsisoqarpoq, innuttaasunik ataatsimiititsisoqarpoq, sunngiffimmi sammisaqaqtitsisoqarpoq, peqatigiiffiit peqatigalugit suliniutinut suleqatigiittoqarpoq kiisalu nunamut tamarmut kulturikkullu malunnartitsisoqarpoq, taakkununga ilanngullugit Meeqqat Ulluat aamma Inuiattut Ullorsiorneq. Ingerlataqaqtitsinerit assigiissutaasoq tassaavoq, siammasissumik peqataatitsisoqarnera aamma ataatsimooqatigiinnermik, kulturikkut kinaassutsimik innuttaasullu atugarissaarnerannik nukittorsaataasimaneri. Kommuneqarfik Sermersuumi Sammissassaqaqtitsinermit Kultureqaqarnermullu Immikkoortortami aamma illoqarfinni kiisalu nunaqarfinni sammisaqaqarnerit amerlanerusut akornanni suliassaqaqarfiit assigiinngitsut akornanni suleqatigiittoqarpoq.

Sammissassaqaqtitsinerit naammassineqarsimasut pillugit tamakkiisumik takussutissiaq ilanngussami kakkiunneqartumi takuneqarsinnaavoq.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.



### **Inatsisitigut tunngavissaq allakkallu tunngaviusumik uppersaatillit**

- Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juuni 2016-imeersoq

### **Ilangussaq**

1. Sammisassaqaqtitsivik Kulturilu pillugit 2025-mi ukiup affakkuutaartumik ilisimatitsissut

## **Punkt 2: Kisitsisit pingaarnert - Meeqqanut Ilaqutariinnullu Ingerlatsivik - ukioq 2025**

### **Beslutning**

Ilisimatitsissut tusaatissatut tiguneqarpoq.

### **Bilag**

Kisitsisit pingaarnert pillugit nalunaarussiaq 2025 (PowerPoint)



# Kisitsisit pingaarnert - Meeqqanut Ilaqutariinnullu Ingerlatsivik - ukioq 2025

Ilisimatitsissut

SagsID.: EMN-2024-00008

Meeqqanut Ilaqutariinnullu Ingerlatsivik – pisortaq Frederik Lundblad / FREL

## Inassuteqaat

Meeqqanut Ilaqutariinnullu Ingerlatsiviup Meeqqanut, Ilaqutariinnut Atuartitaanermullu

Ataatsimiititamut inassuteqaatigaa:

1. ilisimatitsissut tusaatissatut tiguneqassasoq

## Suliap saqqummiunnera

Meeqqanut Ilaqutariinnullu Ingerlatsiviup 2025-mi kisitsisit pingaarnert ilisimatitsissutit saqqummiuppai. Kisitsisit pingaarnert takutippaat, inissiisarnermut tunngasunik suliassa qarfik suliatigut aningaasaqarnikkullu suli assigiinngisitaarput kommunimullu suliniutit amerlasuut tassaniipput.

### Periuseqarnermi pingaartinneqartut

1. Peqatigitillugu ukiup ingerlanerani pitsaasumik ineriartortoqarpoq. Meeqqat inuusuttullu inissinneqartut amerlassusaat amerlanerpaaffianni februaarimi 380-iupput, tamatuma kingornatigut ikiliartuaarput decembarimi 330-iullutik. Tamanna ukiup ingerlanerani inissinneqartut amerlanerpaaffianniit 50-inik ikileriaateqarput. Ineriartorneq aamma aningaasaqarnikkut takuneqarsinnaavoq, qaammammut agguaqatigiissillugu 2025-mi inissinernut aningaasartuutit ukiup siuliani ikinnerusimmata, 2022-miillu siullerpaamik suliassa qarfik qaammammut agguaqatigiissillugu aningaasartuutit ukiup siuliani aningaasartuutinit annikinnerusut takutinneqarput.
2. Meeqquveqarnermik suliassa qarfik tamaviaarnartoq. Inissiinerit katinneqarneranni ulloq unnuarlu inissiinerit suli malunnartumik amerlapput aamma suliassa qarfik aningaasartuutaanerpaajuvoq. Ineriartorneq toqqaannartumik kommunip ataatsimut aningaasaqarneranut pingaaruteqarpoq.
2. Angajoqqaarsianut suliassa qarfik periuseqarnikkut pingaaruteqarpoq. Angajoqqaarsiat qitiulluinnarput paaqqinnittarfinnut suliniutit ilaqutariinnut samminerusunik aaqiissuteqartoqassappat. Pingaarnertut kisitsisit takutippaat sulilersitsiniarneq attassiinnarnerlu suli unammillernartuunerat tamannalu iliuusissanik periarfissanik killiliivoq.
3. Angerlartitsinerit ingerlaavartumik qitiutinneqarnissaat siuariartortinneqarnissaallu pisariaqarpoq. Inissiisarnert aqqissuussaasumik malinnaavigineqarnissaat aamma angerlartitsisarnert naliliffigineqartarnerat sulissutigineqarpoq, suliatigut illersorneqarsinnaasumik. Tamatumani sullissisarnert nukittunerulernissaa aamma iliuusissatut pilersaarutiniq qanimut malinnaatitsineq pisariaqarpoq.

### Periusissatut siunnerfik

Ineriartorneq tunngavigalugu ingerlatsivimmit pingaarnersiorneqartut tulliuuttut suliarineri ingerlateqqinneqassapput:

- Pinaveersaartitsineq siusinaartumillu iliuuseqarneq pillugit iliuusissanik pitsaannerusumik pilersaarusiortoqartassaaq.



- Sulilersitsiniarneq aamma angajoqqaarsiat ikiorneqarnissaat annerusumik qitiutinneqassapput
- Inissiinerit tamarmik aaqqissuussaasumik malinnaavigineqarnerat
- Aningaasaqarnerup qanimut malinnaaviginera aamma annertussutsinik aqutsineq

Siunertarineqarpoq meeqqap pisariaqartitaasa qulakkeerneqarnissaat aamma suliassa qarfiup attanneqarsinnaanerusumik ineriartortinneqarnissaa.

### **Ingerlatsivimmit aningaasatigut sulisoqarnikkullu naliliinerit**

Kisitsisit pingaarnerit takutippaat, inissiisarnermik tunngasunik suliassa qarfik suliaticigut ilisimasaticigut aningaasaqarnikkullu suliassa qarfik oqimaatsuusoq.

### **Missingersuusionermut Naatsorsuusionermullu Immikkoortortamit aningaasaticigut naliliineq**

Pisariaqanngilaq.

### **Inatsisiticigut tunngavissaq allakkallu tunngaviusumik uppersaatillit**

- Meeqqat tapersorsorneqarnissaannut Inatsisartut inatsisaat pillugu Namminersorlutik oqartussat nalunaarutaat nr. 11 16. marsi 2024-meersoq.

### **Ilangussaq**

1. Kisitsisit pingaarnerit pillugit nalunaarussiaq 2025 (PowerPoint)

## **Punkt 3: Ingerlatsivimmi digitalinngorsaaneq pillugu ilisisimatitsissut**

### **Beslutning**

Ilisisimatitsissut tusaatissatut tiguneqarpoq.

### **Bilag**

Paasissutissanut tapertassanik ineriartortitsinermut atuutilersitsinissamut pilersaarut

## Ingerlatsivimmi digitalinngorsaaneq pillugu ilisisimatitsissut

Ilisisimatitsissut

SagsiD.: EMN-2024-01000

Meeqqanut Ilaqutariinnullu Ingerlatsivik – pisortaq Frederik Lundblad / FREL

### Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisisimatitsissut tusaatissatut tiguneqassasoq

### Suliassamik saqqummiussineq

Immikkut ittumik aaqqissuussamik meeqqanut ilaqutariinnullu suliassaqaarfik kommunimi suliassat ajornakusoornerpaartaraat aamma aningaasaqarnikkut mianernarnerpaartaralugu. Inissisarnerit amerliartornerit, sivosussusiat aamma neqeroorummik toqqaasarneq toqqaannartumik missingersuutitigut malunnaatilimmik sunniuteqarput.

Peqatigitillugulu suliassaqaarfimmi suliatigut qaffasissumik piumasaqaateqarpoq aamma sulinitit ataqatigiissinneqarnissaat. Tamanna tunngavigalugu Meeqqanut Ilaqutariinnullu Ingerlatsivik 2023-mili siunnerfeqartumik paasissutissanik digitalinngorsaaneq nukittorsarlugu sulivoq aamma aningaasaqarnermik Komponent suleqatigalugu nukittorsaaneq.

Siunertaavoq uku qulakkeerneqarnissaat:

- pitsaanerusumik missingersuutitik malinninnissaq,
- suliaq aningaasartuutillu pitsaanerusumik ersarissuutinneqassapput,
- suliatigut aalajangerit aamma akiliutit akornanni pitsaanerusumik ataqatigiissitsinissaq
- aamma aqutsisuni paasissutissanik aaqqissuulluagaanerunuk atuinissaq.

Namineq allattuivilianiit ataatsimut paasissutissanik tunngaveqarnermut. Siusinnerusukkut allattuiviliat namineq suliat arlallit malinneqartaraluarput, allattuiviit arlallit ataatsikkut tamatigut assigiinneq ajortut. Tamanna makkuninnga pilersitseratarsinnaavoq:

- Meeqqat inissinneqarsimasut angerlartinneqartullu amerlassusiisa naatsorsornerisa assigiinnginnerannik,
- akiliutitik piffissaq eqqorlugu aallartitsinnginneq unitsitsinnginnerlu,
- aningaasartuutit qanoq ineriartorneritik aqutsisut killilimmik malinnaasinnaalernerat.

Massakkut nalunaarusianut digitalimik ataatsimoortillugit PowerBI-imi aaqqiissuteqalerpoq, aningaasaqarnermut systemimit (AX) paasissutissat ataatsimoortillugit aamma ingerlatsiviup suliai pillugit paasissutissat. Aqutsisut taamaalillutik paasissutissanut tunngavinnik ataatsimoortunik aamma nutartikkanik ukununnga pissarsisinnalerput:

- inissiinerit angerlartitsinerillu amerlassutsimikkut ineriartornerat,
- inisseeriaatsinut aamma neqeroorutitut agguataarsimanagerat,
- aningaasartuutit ataatsimoortillugit aamma paaqqinnittarfirmut ataatsimut ineriartornerat,
- suliniutitik aallartitsineq, allanngineq aamma unitsitsineq.

Pisortaqatigiinnit pingaarnertut kisitsisinik nalunaarutit periuseqarluni malinnaatitsinermi atorneqartalerput. Nakkutillisarnerup pitsaanerulersinnera kukkoratarsinnaanerullu annikillisinneqarnerat. Ukua akornanni nalunaarsuisarneq pillugu aalajangersimasumik suleriaaseqalertoqarpoq:

- Isumaginninnikkut aalajangiinerit
- suliaut systemimi nalunaarsuisarneq,

- aamma aningaasaqarnermut atortumi akiliutit.

Massakut controllerit aamma suliatigut aqutsisut akornanni qaammammoortumik paasissutissat pillugit ataatsimiittoqartalerpoq ukua qitiutillugit:

- akiliutit piffissaatigut aallartillugillu unitsinneqartarnissaat,
- inissiierni allannguutinik eqqortumik nalunaarsuineq,
- allattukkat kisitsisillu pingaernerit ataatsimoorluni misissorneqartarnissaat.

Suliniutit kukkusumik akiliinissanik annikillisisissapput aamma missingersuutinik ingerlaavartumik malinnaatitsineq pitsaanerulersissavaat.

Digitalingorsaaneq aqutsinermi sakkussatut. Sulineq teknikkiinnaangilaq, kisianni aqutsinermut tunngavoq. Massakut paasissutissat ukunani annerusumik atornerqarput:

- kvartalikkuaartumik malinnaatitsineq,
- inissinneqartut ineriartornerannik periuseqarluni eqqartueqatigiinneq,
- namminiilernissamut ikaarsaarnissap pilersaarusiornerani,
- suliat aalajangersimasut malinnaavigineqarnerat ingerlanerallu.

Peqatigitillugu suleriaatsit assigiissitaarneqalerput aamma suliassa qarfiit controllerillu akornanni inissisimanagerit ersarinnerulersinneqarput ataavartumik ataqatigiissaarisoqarnissaa qulakkeerumallugu.

Ataatsimut naliliineq. Ingerlatsivimmi malunnaatilimmik meeqqanut ilaqutariinnullu suliassa qarfik patajaannerusumik aamma paasissutissat tunngavigalugit alloriaateqartoqarpoq.

Tassa isumaqarpoq:

- inissiisarnit aningaasartuutillu qanoq ineriartornerisa ersarinnerulernerat,
- missingersuutinik pitsaannerusumik nakkutillineq,
- kukkoratarsinnaanerit marloriaammillu sulinerit annikillisinneqarnerat,
- politikikkut anguniakkat, sulianik sulineq aningaasaqarnerullu akornanni pitsaannerusumik ataqatigiissitsineq.

Sulineri taamaalilluni aningaasaqarnikkut akisussaassuseqarneq ikorfartorneqarlunilu aamma meeqqanut ilaqutariinnullu suliniutit siusissukkat pisussat pitsaasuunissaannik ataqatigiissuunissaannillu politikikkut anguniakkat.

Digitalingorsaaneq suli naammassineqanngilaq, patajaannerusumillu aamma naatsorsuutigineqarnerusinnaasumik aqutsinermut tunngavissaq pilersinneqarpoq.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Komponentimik suleqateqarnissamut tunngavigineqartut iluini isumaqatigiissutigineqartut naammassineqarput. Suliniutit siunissaq eqqarsaatigalugu patajaannerusumik missingersuutinik malinnaanissamut aamma suliassa qarfimmi nukissanik pitsaannerusumik atuinissamut iluaqutaassapput.

### **Inatsisitigut tunngavissaq allakkallu tunngaviusumik uppernarsaatillit**

- Systeminik tapersiinermut aammalu paasissutissanik (data) aqutsinermut tunngatillugu pilersuinerimik isumaqatigiissutit

### **Ilanngussaq**

1. Paasissutissanut tapertassanik ineriartortitsinermut atuutilersitsinissamut pilersaarut

## **Punkt 4: Isumaginnittoqarfimmit inissianut innersuussisarneq pillugu ilisimatitsineq 2025**

### **Beslutning**

Ilisimatitsissut tusaatissatut tiguneqarpoq.



# Isumaginnittoqarfimmit inissianut innersuussisarneq pillugu ilisimatitsineq 2025

Ilisimatitsissut

SagsID.: EMN-2020-28184

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Meeqqanut Ilaqutariinnullu Ingerlatsivik – pisortaq Frederik Lundblad / FREL

## Inassuteqaat

Meeqqanut Ilaqutariinnullu Ingerlatsivimmit aamma Suliffeqarnermut Isumaginninnermullu Ingerlatsivimmit Meeqqanut, Ilaqutariinnut & Atuartitaanermut Ataatsimiititaq inassuteqaatigineqarpoq:

1. ilisimatitsissut tusaatissatut tiguneqassasoq

## Suliassamik saqqummiussineq

Suliffeqarnermut Isumaginninnermullu Ingerlatsivimmit isumaginnittoqarfimmit inissiat pillugit ilisimatitsissut saqqummiunneqarpoq aamma Meeqqanut Ilaqutariinnullu Ingerlatsivimmit ataatsimiititanut attuumassuteqartunut ilisimatitsissut assingusoq saqqummiunneqassaaq. Ilisimatitsissummi maannakkut utaqqisut allattorsimaffiat kiisalu 2025-mi inissiat tunniunneqartut amerlassusaat takutinneqarput.

Kommuneqarfik Sermersuumi innuttaasut pisariaqartitsisut piumasaqaatit aallaavigalugit initaarsinnaatitaasutut nalilerneqartut isumaginninnikkut inissianik tunineqarsinnaapput.

Nuummi Inissiaqarnermut tulleriissaarisartut (BVU), Meeqqanut Ilaqutariinnullu Ingerlatsivimmit aamma Suliffeqarnermut Isumaginninnermullu Ingerlatsivimmeersunik ilaasortaartut innersuussisarnermi nalilersuutit malillugit nalilersuisarput tunniussisarlutillu. Kommuneqarfik Sermersuumi illoqarfinni tamani, tassunga ilanngullugu Ittoqqortoormiini, Tasiilami aamma Paamiuni BVU ataaseq pilersinneqarnikuuvoq. Ilaasortat katitigaanerat assigiinngisitaarsinnaavoq, 2018-imili ileqqoreqqusat malillugit assigiinnik pingaarnertut najoqqutassaqarput.

Inissiaatileqatigiiffiit Ini aamma Iserit isumaginninnikkut inissamat tunniussassamik inissaateqaleraangamik kommunimut saaffiginnittarput. Tamatuma kingorna inissiaq innuttaasumut utaqqisut allattorsimaffianiittumut tunniunneqartarpoq. Kommunip inissiat atorneqanngitsut 25 %-ii isumaginninnikkut inissiatut neqeroorutaasussanngorlugit Iserit isumaqatigiissuteqarfignaa.

Inissiaqarnermut tulleriiaarisartut isumagisassaraat:

- isumaginnittoqarfik aqutugalugu inissianik agguaatassanut qinnuteqaatit akuerisat pingaarnersiukkat pillugit utaqqisut allattorsimaffiannik suliqaarneq nutarterinerlu.
- utaqqisut allattorsimaffianni qinnuteqartut ataasiakkaat pingaarnersiorneqarnerat pillugu tulleriiaarilluni ingerlaavartumik isummerfiginninneq.

Ilisimatitsissutit massakkut kisitsisit imaapput:

<b>Illoqarfik</b>	<b>Utaqqisut amerlassusaat</b>
Nuuk	76
Paamiut	12
Tasiilaq	14
Ittoqqortoormiit	3

2025-mi inissiat tunniunneqartut amerlassusaat, illoqarfinnut, inissiaatileqatigiiffinnut ingerlatsivinnullu agguataakkat:



Illoqarfik	Iserit		Ini		Katillugit
	Meeqqanut Ilaqutariinnullu Ingerlatsivik	Suliffeqarnermut Isumaginninnermullu Ingerlatsivik	Meeqqanut Ilaqutariinnullu Ingerlatsivik	Suliffeqarnermut Isumaginninnermullu Ingerlatsivik	
Nuuk	38	19	5	3	<b>65</b>
Paamiut	0	0	3	2	<b>5</b>
Tasiilaq	4	2	0	0	<b>6</b>
Ittoqqortoormiit	2	0	3	0	<b>2</b>
<b>Katillugit</b>	<b>44</b>	<b>21</b>	<b>8</b>	<b>5</b>	<b>78</b>

Ilanngullugu ilisimatitsissutigissavarput, 2025-p ingerlanerani utaqqisut nuummi allattorsimaffiat misissuataarsimagipput. 2025-p ukiup aallartinnerani inuit utaqqisut allattorsimaffianiittut katillugit 143-ruusut allassimapput. Torersaanerup kingorna, matumani ilaatigut piffissami sivisuumi inissarsiorlut tusarniaaffigaagut, qinnuteqartut 41-t peerpagut, maannakkorpiaq inissarsiorunnaarmata, ilaatigut kommunimut allamut nuussimanerat imaluunniit nammineq initaarsimanerat pissutigalugit.

Tamanna torersaareernerup kingorna 2025-p naalernerani suli inissarsiorlut utaqqisut allattorsimaffianiittut katillugit 76-iupput.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusiornermut Naatsorsuusiornermullu Immikkoortortamit aningaasatigut nalililneq**

Pisariaqanngilaq.

### **Inatsisitigut tunngavissaq allakkallu tunngaviumik uppernarsaatillit**

- Inissiat attartortittakkat pillugit Inatsisartut peqqussutaat nr. 2, 12. maaji 2005-imeersoq
- BVU-mi malittarisassat 2018-imeersut

### **Ilanngussa**

Soqanngilaq.

## **Punkt 5: Meeqqanik innarluutilinnik sullissinermi unammillernartut**

### **Beslutning**

Ilisimatitsissut tusaatissatut tiguneqarpoq.

## Meeqqanik innarluutilinnik sullissinermi unammillernartut

Ilisimatitsissut

SagsID.: EMN-2026-00227

Meeqqanut Ilaqutariinnullu Ingerlatsivik – pisortaq Frederik Lundblad / FREL

### Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### Suliap saqqummiunnera

Ataatsimik saaffissaqarnerup (One-Door) atuutilersinneqarneranut atatillugu meeqqanut innarluutilinnut sullissineq ingerlatsivimmut ataatsimut katersorneqarpoq meeraanermit inersimasunngornermut suliniutit ataatsimoortumik sammisuunissaat qulakkeerumallugu. Kingornatigut sulisunik Suliffeqarnermut Isumaginninnermullu Ingerlatsivimmut nuussineq suliassanik suleriaatsinillu naapertuuttunik malitseqartinneqarsimanngillat. Tamanna ingerlatsinermi aamma pitsaassutsimut arlalitsigut unammillernartoqartitsivoq:

#### Unammilligassaq annerpaaq:

- Suliamik ingerlatsineq ilaannakusiortumik ilaqutariinnit misigineqartarpoq, suliart ingerlatsivinni marlunni massakkut suliarineqartalermeta, tamannalu ataatsimik isertarfeqarnissamik anguniagaqarnermik sanngiillisitsivoq.
- Suleriaatsinik ataqtigittoganninnera aamma ESDH-systememut isersinnaanerup killeqarnera ingerlatsiviit assigiinngitsut akornanni ilisimasanik annasaqarnermik pilersitsivoq aamma innuttaasunut uteqattaarinngorluni.
- Meeqqat innarluutillit pillugit nalunaarutiginninnermik suliart Inunnut Innarluutilinnut immikkoortoqarfimmi suliarineqartarunnaarput, tamannalu Meeqqaanut Ilaqutariinnullu immikkoortoqarfimmut annerusumik suliassaqtitsivoq naleqqataanik sulisussaqaarani.
- Akisussaaffinnik ersarluttumik agguataarineq suliart itigartitsinermik aamma saniatigut suliassanik kinguneqartarpoq.
- Massakkut aaqqissuussineq inunnut innarluutilinnut inatsimmik malinninngilaq ataatsimoortumik atukkat aamma inunnut innarluutilinnut suliartigut tunngasunik naliliisarnissamik piumasaqarneq pillugu.

### Ingerlatsivimmit aningaasatigut sulisoqarnikkullu naliliinerit

Pisariaqanngilaq.

### Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaattillit

- o Inunnut innarluutilinnut tapersisarneq pillugu Inatsisartut inatsisaat
- o Meeqqat tapersorneqarnissaanut Inatsisartut inatsisaat nr 20, 26 juni 2017-meersoq.

### Ilanngussaq

1. Assersuutit
2. Akisussaaffinnik allannguinnermik isumaqtigiissut

## **Punkt 6: Ineriartortitsinermut, Peqqissutsimik siuarsaanermut Pitsaaliuinemullu Immikkoortortaqarfimmi 2025-mut ukiumoortumik nalunaarusiaq**

### **Beslutning**

Ilisimatitsissut tusaatissatut tiguneqarpoq.

### **Bilag**

2025-mi suliat pillugit takussutissiaq - Peqqinnermik pitsaaliuinemullu siunnersortit



# Ineriartortitsinermut, Peqqissutsimik siuarsaanermut Pitsaaliuinemullu Immikkoortortaarfimmi 2025-mut ukiumoortumik nalunaarusiaq

Ilisimatitsissut

SagsID.: EMN-2025-03395

Meeqqanut Atuarfeqarnermullu Ingerlatsivik – pisortaagallartoq Rena Kriegel Mikkelsen / REMI

## Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut figuneqassasoq

## Suliassamik saqqummiussineq

Ineriartortitsinermut, Peqqissutsimik siuarsaanermut Pitsaaliuinemullu Immikkoortortaarfimmi pingasunik Peqqinnermut Pitsaaliuinemullu siunnersorteqarpoq, taakku angalasartutut Meeqqanut Atuarfeqarnermullu Ingerlatsivimmi immikkoortortat, kommunimi illoqarfinni nunaqarfinnilu tamaniittut suleqatigisarpaat. Siunnersortit saniatigut immikkoortortaarfimmut attuumassutilimmik aqutsisoqarpoq, taannalu Ineriartortitsinermut pisortaq peqatigalugu, meeqqanut inuusuttunullu peqqissutsip siuarsarnissaanut pinaveersaartitsinermullu akisussaasuvoq. Peqqissutsimik siuarsaanermut Pitsaaliuinemullu Periusissiami qitiutinneqartut sisamaasut aallaavigalugit sulisoqartarpoq: Isummakkut peqqissuuneq, kinguaassiuutinik atuinikkut misigissutsikkullu peqqissuseq, timikkut peqqissuuneq aamma aanngajaarniutinik atuilernissamut pitsaaliuineq.

2025-imi isummakkut peqqissuuneq pimmatiginninnermillu pitsaaliuineq immikkut ukkatarineqarnikuupput. Siunnersortit ukioq 2025-mi ingerlatsinermut immikkoortortat pisariaqartitaannut saqqummiussassamik workshoppertitsinernillu naleqqussaaneermik ukkatarinnipput, taamaammat periarfissaasimasut arlaqarsimapput. Ingerlatsinermut immikkoortortat isummakkut peqqissuunermut annertuumik soqutiginninnermik takutitsipput, tamatuma takutippaa peqqissutsimik siuarsaneermik suliaqarnerunissamik kissaateqarneq eqqarsaatigalugu pitsaasumik ineriartortoqartoq. Saqqummiinerit workshoppertitsinerillu allat aamma ingerlaavartumik piumaneqartarput. 2025-mi saqqummiinerit marluk nutaat ineriartortinneqarput: timi aalanerlu ulluunerani neqeroorutitut aamma angajoqqaanik ataatsimiisitsinernut killissat pillugit saqqummiineq. Taakkua saniatigut aanngajaarniutinik atuilernissamut pitsaaliuineq pillugu atuartsineq nutarsarneqarpoq sullinniakkanut naleqqunnerulersillugu.

2025-imi Peqqinnermut pitsaaliuinemullu siunnersortit suliamut atatillugu Paamiunut, Ittoqqortoormiunut, Tasiilamut Qeqertarsuatsiaanullu angalasimapput, taakkunani ulluunerani neqeroorutini, atuarernerup kingorna ornittakkani, klubbini atuarfinnilu sulisunut angajoqqaanullu saqqummiinerit workshoppertitsinerillu ingerlassimavaat. Nuummi immikkoortortaarfii amerlanersaat suleqatigilluarneqarput. Taakkua saniatigut Arsummiipput Kapisilinniillutillu, taakkunani aalakoornartumik aanngajaarniutinillu atuilernissamut pitsaaliuinemut aningaasat ilaannik eqqarsartaatsikkut peqqissuuneq pillugu innuttaasunik ataatsimiisitsipput (tak. ilanngussaq 1).

Immikkoortortami aamma sulissutigineqarput Timersoqatigiit Kattuffiannik suleqatiginnermik isumaqatigiisummi suliniutit, tassani ilaatigut Nuummi Playmaker camp ingerlanneqarpoq. Tamakku saniatigut immikkoortortamit isumagineqarput, kommunimi imminut toquttarnermik pitsaaliuinemut suliniutinut nunaqarfinnilu aalakoornartumik aanngajaarniutinillu atuilernissamut



pitsaaliuinnermut, 2025-mut missingersuutitut isumaqatigiissummi aningaasanit immikkoortinneqartut, aqunneri.

### **Ingerlatsivimmit aningaasatigut sulisoqarnikkullu naliliinerit**

Suleqatigiinnik angalasartoqarneq Peqqinnermik pitsaaliuinnermullu siunnersortinik pingasunik inuttaqartoq nalilerneqarpoq, Paamiunut, Tasiilamut Ittoqqortoormiinullu angalasarneq ukiumut ataaseriarluni marloriarluniluunniit pisinnaasoq, kiisalu nunaqarfiit ukiut pingasukkaarlugit tikinneqarsinnaassasut.

### **Missingersuusionerimut Naatsorsuusionermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Kommuneqarfik Sermersuumi kommunalbestyrelsimi 2025-miit 2029-mut Inuit Ataqatigiit aamma Demokraatit suleqatigiinnissamik isumaqatigiissutaat
- Meeqqanik inuusuttunillu suliaasaqarfimmi Peqqinnermik Siuarsaanerimut Pitsaaliuinnermullu Periusissiaq 2023-2030
- Kommuneqarfik Sermersuup aamma Timersoqatigiit Kattuffiata akornanni suleqatigiinnissamik isumaqatigiissut 2023-2027
- Inuuneritta III

### **Ilangussaq**

1. 2025-mi suliat pillugit takusutissiaq - Peqqinnermik pitsaaliuinnermullu siunnersortit

## **Punkt 7: Lukket**

## **Punkt 8: Lukket**

## **Punkt 9: Lukket**

**Punkt .: Tamalaat**



## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 17.05

